

# Better Make Sure

Sizzla

Yeah man  
scatter those who delight in war  
ah Selassie wi praise, inno  
yeah, ah di fiyah wi ah bun  
tell dem seh ah Judgement ah come, yeah  
wi haffi rise ghetto youth from di slum  
a black woman bring dem come  
yes Bobo  
yeah man, Holy Emmanuel I Selassie  
Kalonji seh so  
hey, hey, hey

Dem better mek sure dem come liberate di poor  
better mek sure, better mek sure  
better mek sure dem come liberate di poor  
because wi ah guh bun dem out more, more  
better mek sure dem come liberate di poor  
better mek sure, better mek sure  
better mek sure dem come liberate di poor  
gwaan black woman  
mi seh yuh pure

Black people know everything long before  
Babylon a crook and mi know dat fi sure  
just wa day dem tek counsel inna parliament house  
di poor people weh dem guh thief out  
and later on dem waan fi sneak out  
ku deh, dem secret guh leak out  
down to di babes and sucklin dem speak out  
ah so mi see di pagan deh weak out  
dem bun gas station, dem bun down di store  
dem bun police station, dem bun court house  
Yow, down to di prisoners ah float out  
so mi see seh Babylon city inna drought

Better mek sure dem repatriate di poor  
better mek sure, better mek sure  
better mek sure dem come liberate di poor  
or else a bare stick beating lickle more  
oye, better mek sure yuh come redeem di poor  
better mek sure, mi nation secure  
better mek sure dem come, mek sure dem come  
come liberate di poor

Yow  
education alone run di route  
wi need food and salvation, shoes and clothes  
repatriation fully, up close  
people ah walk up and down  
dem ah walk all bout  
fi equal rights and justice mi hear dem ah shout  
Rastafari words ah come from dem mouth  
so I could nuh sleep, coulda never snore  
beat di horn ah beat and I could nuh ignore  
poor people have di revolution inna control  
Babylon yuh head gwine roll

dem ah show off bout di billions  
dem nuh hail Selassie wid him Trillions  
all dem do is brutalise di civilians  
police and soldiers illiterate and ignorant  
so di ghetto youths start to move brilliant  
dem get di vigor and dem full a vigilance  
wi mash up ship fi sail leff Jamaica island  
fi guh ah Africa, repatriation  
Black people ah di first nation  
Rastafari nuh deal wid segregation  
HIM teach di people in United Nations declaration  
gi di human rights more penetration

Dem better mek sure dem come liberate di poor  
free up di poor, free up di poor  
unno better mek sure yuh come free up di poor  
hail Emperor Selassie some more  
Better mek sure dem come liberate di poor  
better mek sure black people secure  
dem better mek sure fi repatriate all di poor  
hail King Selassie

Yow

Black people anno stranger  
hey Babylon yuh end up inna danger  
yuh ah di target and yuh think yuh a ranger  
ku yah, mi black nation get braver  
King Selassie born inna Ethiopia  
ah bare marijuana wi smoke, yah  
Babylon yuh cyaan snort no coke yah  
and no police man cyaan tek no oath yah  
no bother tek poor people fi no joker  
Babylon dem a loafer  
Redder Fiyah! Hey!

Unno better mek sure yuh come free up di poor  
free up di poor, youths fi secure  
better mek sure yuh come liberate di poor  
dem better mek sure dem come free up di poor  
or else a bare things lickle more  
yow dem better mek sure dem come free up di poor  
Rastafari yeah, mi sure  
want to be on the Ethiopian shore  
only black woman Rastaman come adore  
Babylon mi sink yuh so yuh heart get sore  
Hey, yow,  
poor people hardcore  
hey dem better mek sure dem come free up di poor  
better mek sure